


Theses

Et Quaestiones Medicae Omnes,
In Scholis Parisiensibus Agitatae et Discussae,
M.^o Joanne Baptista Thomâ Martinenq,
Decano,
a Die 12^{te} 9bris 1746, ad Diem 7^{mo} 9bris 1750.


Collegit, Ordinavit, et in Facultatis
Bibliothecâ repositit
Hyacinth. Theod. Baron Decanus anno 1751.




Prior Declaratus

M^r. Joannis Baptiste Thomae Martineq,

A Die 12^a Jul^{is} 1746. ad Diem 8^{am} Jul^{is} 1748.







DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ
Orthodoxorum Medicorum Patrono.

QUÆSTIO MEDICA.

QUOD LIBETARIIS DISPUTATIONIBUS,
manè discutienda, in Scholis Medicorum, die Jovis decimæ-sep-
timæ mensis Novembris, anno Domini M. DCC. XLVI.

M. FLORENTIO-CAROLO BELLOT,
Doctore Medico, Præside.

An quò longius à corde distat organum secretionis, eò humor secretus subtilior?

I.



QUEMADMODUM ex sanguinis alveo depromuntur liquida quæ corporis humani incremento, & conservationi inserviunt, sic etiam ex ipsius sinu, quæ superflua sunt, ne noxam inferant, separantur. Secretionis nomen functio illa sibi vindicat. Ex organis autem secretionis inservientibus, ex variâ, pro vario motu, sanguinis diathesi, exurgit secretionum diversitas. Quæ licet in primarias & secundarias dividantur, è secundo tamen sanguinis alveo, proximè vel remotè suam trahunt originem. Varias sanguis formas induit. Non enim in vasorum angustis, ac in aortæ principio, sero diluitur abundantiori; nec quam in systemate venoso partium cohesi-
onem lymphæ adepta est, eandem retinet in truncis arteriarum majoribus. Promptissi-

A

mam partium divisionem, huic conciliat motus aortæ systolicus. Quæ lymphaticarum partium divisio, eò major erit, quò, longius vas præterlabendo, numerosiores oscillationes experiri, numerosioresque resistentias superare, lymphæ cogetur. Nec sua etiam omninò adimplevit munia, sanguis ille venosus, qui depositis in arteriarum extremis partibus suis subtilioribus, crassiores tantùm retinet, quæ indole suâ, & propter salium evolutionem acres, ideò tantùm ab Omento, Mezenterio, & aliis partibus copiosiori oleo irrorantur, ut bili consiciendæ, secernendæque, reddantur aptissimæ. Varias solum, pro variâ distantia, pro motûs, & loci diversitate, sanguis subit mutationes. Hoc comprobant secreti humores, quos eò subtiliores esse palam est, quò majorem longius iter consiciendo, experti sunt extenuationem.

I I.

EA est sanguinis indoles, ut quò diutius moveretur in arteriis, eò subtilior evadat: Concreveret enim brevi, si tardiùs moveretur. Ramosior lymphæ, crassior sanguinis pars terrestris, citò coriaceam duritiem æmularentur; nisi oscillantibus arteriis à mutuo dimoverentur contactu. Totus igitur Naturæ labor, in attendendis, digerendis, subigendis, & colligendis humoribus. Ex hac divisione functionum integritas subsequitur. Fluit sanguis liquidorum parens, omnes corporis partes alluit, penetrat; variis vasorum diametris sese accommodat. Crassior in amplioribus vasis, tenuior in capillaribus, lustrat quæcumque, nihil ipsi impervium modò subigatur. Oscillantibus igitur arteriis, sanguis non solum à virtute illarum contractilis, sed etiam ab obicibus variis, angulis curvaturis conteritur, eam denique adipiscitur tenuitatem quam exigit plexus Choroides, totque aliorum vasorum contractior apertura. Quò diutius vi contenti submittitur, eò fluxilior; quò fluxilior, à centro impulsione remouetur, eò subtilior, extrema vasorum lambit orificia. Eundo subtilior fit, quia eundo atteritur. Hinc pro vario quod consicit itinere, spissior vel tenuior, spissiores vel subtiliores succos, ministrat; ut cernere est in glandulis, quæ agentis Naturæ ministræ, tot variæ indolis succos è fonte primario secernunt, vel foras eliminandos, vel corpori recrementum suppeditaturos. Undenani igitur repetenda succorum illorum diversitas? Num à solis glandulis? Nequaquam sanè. Glandularum eadem textura, licet simplices aliæ, aliæ compositæ observentur. Quæ simplices, ex propaginibus vasorum omnis generis efformantur. Hæc vasa in glomeres tam arcè secum invicem involvuntur, ut duplici firmante membranâ, corpus solidum efficiant. Suum unicuique glandulæ simplici, vas secretorium & excretorium. Ex simplicissimarum numero majori vel minori, glandularum compositarum grandior vel tenuior moles exurgit. Vasorum ex quibus tum simplices, tum compositæ efficiuntur, perpensâ serie longiori vel breviori, glandularum aliæ cordi propiores, remotiores aliæ reperiuntur. Diversa igitur iis, pro diversâ distantia, obeunda munia. Alioquin inutilis esset innumerus ille vasorum tractus, qui ut distantiora à corde reddidit colatoria, sic etiam majorem secernendis humoribus, præstat partium subtilitatem.

I I I.

QUANTUM in attenuando sanguini valet motus arteriarum, tantùm in secernendis humoribus, quæcumque in secretoriis ipsis motum retardare valent, præstant emolumentum. Quò velocior sanguinis partium motus, eò tumultuosior illarum contactus. Quò lentior, eò faciliùs homogeneæ partes, superato aliarum vinculo, sedes ineunt, collectæque simul vias secretionis permeant; dum reliqua sanguinis pars nondùm satis digesta, per vias circulationis desertur, denuò extenuanda, ut secretioni promptior evadat. Postulat ergò secretionis opus, ut non solum partes sanguinis ad organum secretorium progrediendo, comminuantur, extenuentur, & subigantur; sed etiam ut partes secernendæ à cæteris extricari queant, extricataque simul uniantur. Illud efficiunt resistentiæ variæ, quæ, dum sanguis appellat ad cola-

3

torum; illius motum temperare valent. Licet enim in truncis majoribus confusa sint omnia, attamen decrefcente fenfim vaforum diametro, imminutis proinde fyftole & motu; ratione molis, & ponderis, jamjam variam fedem affectare gelfient, diverfa fanguinis moleculæ. Igitur quæ graviore, axim occupabunt, quæ subtiliores, axi propiores fluent, quæ subtiliffimæ, vaforum internam lambent fuperficiem. Sic dum ad arteriam emulgentem fanguis appellit, quamvis ab eadem vi propellantur ferofæ partes, temperato tunc pauliſper fanguinis motu, ſerum ſeſe expedit, ut pote mobilius, ſalutatoque Rene in hiantia intus vaforum ſecretoriorum orificia ſeſe inlinuat, urinoſo latici materiam præbiturum. Qui longius per arterias progreditur fanguis, repetitis arteriæ motibus, magis attenuatur, & longius diſtanti organo ſubtiliorem dat humorem ſecernendum. Hoc probat ſecretionum ſeries. Truditur verſus ſuperiora fanguis; humidam membranæ pituitariæ ſubſtantiam penetrat, quæ licet Parotidi ſuperior, præ minori tamen quo pollet vaſorum tractu, craſſiorem exuperantis lymphæ partem ſecernit, dum Parotis, ulterioribus propaginibus ſuis, ſubtilioris ſaliivæ fluxum in ore miniſtrat. Si hæc colatoria tranſgrediatur fanguis ſuperandis obicibus promptior, dum continuo calcar admovent, alterna ſiſtoles & diſtoles arteriarum, eum tandem conſequitur fluiditatis tenorem quem inextricabilis poſtulat Cerebri ſubſtantia.

I V.

QUI miſſus è brachio, ſtatim concreſcit fanguis, arteriarum motu, tantam adſiſcitur partium evolutionem, ut ex iſtis ſinu tenuiſſimi humores eliciantur. Nihil in corpore humano ſolidi exiſtit, quod non ſit intus excavatum, quodque pro variâ ſua diametro diverſos liquores non excipiat. Non indiſcriminatim per quæcunque corporis partes, fluunt fanguinis particule. Globulis, lymphæ, & ſero, ſua uniçuique vaſa percurrenda. Omnes à corde propelluntur. Quò naturâ ſua mobilior fanguinis pars, eò longius excurrit. Gravior rubra, & naturâ ſua iners, eam tantum à truncis majoribus fluiditatem adſiſcitur quam poſtulat vaſorum fenſim decreſcentium exitibus; junctaque anastoſi, craſſiores quas repudiant hiantia lymphaticorum vaſorum oſcula, venis tranſmittit. Fitigitur lymphæ pars una fanguinis, quæ ſui juris facta, ſuiſque contenta canalibus, eandem quam conſuſim cum ſanguine ab arteriarum principio, uſque ad finem, perpeſſa eſt preſſionem, hanc de novo in ſuis arteriis habet experiundam. Lymphaticarum, & ſanguinearum arteriarum eadem natura. Procedunt ſemper ab anguſto, ad anguſtiſ, quodque principium vaſis exceſſit, illud recuſaret iſtius extremitas; ni progredienti liquido, aliquid de craſſie detraxeretur. Hoc perficit motus continuus, partes volvuntur ſuprà ſe invicem, quæ formâ irregulares in vaſis origine, in iſtis ſine ſphæricam contrahunt figuram, omnia penetrant. Sic quæ ramentis glutinoſa in vaſis amplioribus vix morebatur lymphæ, deſinit in ſpiritus. Sic ſubiguntur ſucci illi omnes, quibus alluuntur villi membranofi & Ligamenta, quibus Oſſa nutriuntur. Sic quæ extus hiant cutis perſpiracula, dilutiori ſero viam concedendo, eam denegant crudis adhuc & ſegnioribus, non dum peractâ viâ humoribus. Funis ſpermatice, iſtiusque Teſtis fabricam, Cerebri mollem & pulpoſam, exploremus ſubſtantiam, vaſorum lymphaticorum ex quibus illorum moles componitur ſeriem innumeram aſſiduò contemplerur; ulla-ne erunt organa diſtantiora? Ulla-ne ſecretio ſubtilior? Magnam ſanè exigit partium diviſionem humor, qui craſſiſſimus in ſpiritus immutatur, maximam quoque, qui ſenſibus in vaſorum truncis obviuſ, per cutem undequaque diſſipatur inſenſilis.

V.

OBJICIENT forſan plurimi, à motibus arteriarum ſanguinem non attenuari, ſed compingi; magiſque intricatas fanguinis partes, ad ſecretiones remotiſſimas miniſ ſeſe accingere. Naturam preſſo pede ſequantur illi, videantque tum in morbis, tum in ſtatu ſano, humores ſemper ſubigi, atteri, concoqui. Sudor-ne in

4

febris intermittentibus cohaesionis effectus? Tenaciorem - ne sanguinis indolentiam indicat in vasorum extremis, perspiramentum insensibile, & spirituum animalium secretio? Nec exprobrent adversarii, à contiguis incerniculis humores indole diversos fecerni, ut pluribus corporis partibus contingit, verbi gratiâ, in intestinis; quorum tunica interior, ne à salinis irritetur spiculis, glutinoso semper madet humore; dum quæ cavum abdominis respicit externa superficies, halituoso quod perpetuò irroratur vapore, à vicinarum partium ferruminatione vindicatur. Meminerint illi; non à distantia locali, sed à vasorum colatorii texturam ingredientium progressu longiori, vel breviori, compensandam esse glandularum sedem remotissimam, Tuncque sentient, minus itineris conficiendum esse sanguini, qui per interiora ad glandulas intestinorum appellit; quàm illi, qui vasculosam & retiformem exterioris illorum tunicæ substantiam perreptando, tenuitati vasorum sese sensim accommodat, & per eorum extrema effugit. Nec qui, antea perspiramentum insensibile, aucto solidorum motu, superactâque vasorum diametro, prorumpit abundantius sudor guttularum forma collectus, tuncque crassior, impedit quin concludamus,

Ergo quò longius à corde distat organum secretionis, eò hum. or secretus subtilior.

DOMINI DOCTORES DISPUTATURI.

M. Pascasius Borie.

M. Franciscus-Nicolaus Gautier.

M. Emmanuel-Mauritius Duvrney.

M. Florentius-Carolus Bellot, Aclâs Preses.

M. Franciscus Bidault.

M. Ludovicus-Claudius Bourdelin, Antiquus Facultatis Decanus, Regiæ Scientiarum Academia Socius, & in Horto Regio Chimiæ Professor.

M. Ludovicus Patriot.

M. Jacobus-Albertus Hæron.

M. Michael-Ludovicus Férnaye, Censor Regius.

Proponerebat Parisiis PETRUS-AUGUSTUS ADET,
Parisiensis, Saluberrimæ Facultatis Medicinæ Parisiensis
Baccalaureus, A. R. S. H. 1746, à sextâ ad meridiem.